

INDEX GEOGRAPHICUS. 27

ram (Bacchides contra Judæos.) c. 11. v. 65. & applicuit Simon (frater Jonathæ) ad Beth-suram, & expugnabat. v. 66. & cepit civitatem, & posuit in ea præsidium. 14. v. 7. Dominatus est (Simon Jonathæ frater) Gazara, & Beth-suræ & Arci (Jerosolymitanæ) v. 33. & munivit civitates Judææ, & Beth-suram. 2. Machab. 11. v. 5. & seq. Lyfias Judæam ingressus, appropians Beth-suræ, quæ erat in angusto loco, ab Jerosolyma intervallo quinque stadiorum, illud præsidium oppugnabat, sed à Juda Machabæo repulsus, fugatusque pacem cum Judæis à Rege impetrat.

Beth-Taphua quinta ex urbibus novem septimæ partis Tribus Judæ, eaque inter Janum, & Alphata, Josue 15. v. 53.

Bethul, Bathuel, Cefil, varia diversaque sunt unius ejusdemque urbis nomina. Bethul est septima inter primas tredecim urbes Tribus Simeon, Josue 19. v. 4. Cefil eadem scribitur in Tribu Juda, 15. v. 30. Eademque Bathuel, 1. Paralip. 4. v. 30. V. Animadvers.

Bethulia, Beth-lehem duodecima est, & ultima inter urbes Tribus Zabulon, quas Josue recenset 19. v. 15. Hæc mihi postea est Bethulia. V. Animadversiones. Bethuliæ meminit aliquoties Sacra Scriptura, sed in unica historia Judith, non alibi, 6. v. 6. ... Holofernes præcepit servis suis, ut comprehenderent Achior Ammonitarum Ducem de gente Israëlitarum, (qui magna Dei beneficia in gratiam Israëlitarum Holoferni enarraverat) & perducerent eum in Bethuliam, & traderent eum in manus filiorum Israël; scilicet ut eâ captâ cum Israëlitis puniretur: sed Holofernis servi ab urbe repulsi, eum arbori alligarunt, quem solventes Israëlita duxerunt Bethuliam, & benignè consolantur. c. 7. ... Holofernes Bethuliam obsidet, urbis aquæductum præcidit, fontes omnes circumvicinos custodit: eoque adducit cives, ut ipsi sese tradere vellent; cum Judith vidua, oratione ad Deum munita, ab urbe egreditur, & ad Holofernem ducta, eum tandem inebriatum obtruncat; cujus caput ad suos referens, & ad Bethuliæ muros suspendens, Assyriis fugam, suis prædam magnam dedit. Ex ipsa Bethlehem fuit Abesan Judex in Israël, non ab altera Bethlehem quæ in Juda.

Beth-zacara, penes quam Judas Machabæus cum Antiocho Eupatore fortiter pugnavit, qua in pugna Eleazar Judæus castra hostium penetrans, Elephantemque in quo Regem sedere arbitrabatur, occidens, ab occiso corruente oppressus interiit.

Betonim est inter urbes Tribus Gad, Josue 13. v. 26.

Bezec. V. Bethseca.

Biblius. V. Giblii.

Bilaam. V. Geth-remmon.

Bithynia, Asiæ Minoris regio, inter Bosphorum Thracium & Pontum Euxinum. Hujus mentio Act. Apost. 16. v. 7. & Epist. Petri 1. c. 1. v. 1.

Bituminis Putei. V. Putei Bit.

Boni portus, in Creta Insula, Act. Apost. 27. v. 8. In navigatione Pauli, cum Romam duceretur.

Booz Ager. V. Ager Booz.

Boses. V. Sene.

Bosor, Deut. 4. v. 43. inter urbes Refugii est Bosor in solitudine, quæ sita in Terra campestri de Tribu Ruben, & Josue 20. v. 8. de iisdem urbibus trans Jordanem positis: contra orientalem plagam Jericho statuerunt Bosor, quæ sita est in campestri solitudine, de Tribu Ruben. Jos. 21. v. 38. de urbibus, quæ Levitis ex familia Merari conceduntur: De Tribu Ruben ultra Jordanem contra Jericho, Bosor in solitudine Misor (sic legendum.) sic & 1. Paral. 6. v. 78. Bosor in solitudine, est inter urbes Levitarum.

Latit. Gr. Scr.	Longit. Gr. Scr.
--------------------	---------------------

31. 16.	66. 26.
---------	---------

31. 17.	65. 39.
---------	---------

32. 40.	67. 17.
---------	---------

31. 33.	66. 33.
---------	---------

32. 9.	67. 39.
--------	---------

32. 21.	66. 53.
---------	---------

42. 30.	59. 5.
---------	--------

31. 5.	66. 42. $\frac{1}{2}$.
--------	-------------------------

34. 10.	54. 5.
---------	--------

31. 41.	66. 31.
---------	---------

31. 50.	66. 53.
---------	---------

31. 43.	67. 37. $\frac{1}{2}$.
---------	-------------------------